



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

ODLUKA
O IZMJENAMA ODLUKE O PLATAMA I NAKNADAMA U ORGANIMA GRADA
SARAJEVA
(Prijedlog)

Predlagač: Gradonačelnica
Obradivač: Gradska služba za opću upravu
i zajedničke poslove

Sarajevo, novembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 58., 60., 61. i 62. Zakon o platama i naknadama u organima vlasti Federacije Bosne i Hercegovine („Službene novine Federacije Bosne i Hercegovine”, br. 45/10, 111/12 i 20/17) i člana 26. stav (1) tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj dana __. __. 2022 godine, donijelo je:

(Prijedlog)

**ODLUKU
O IZMJENAMA ODLUKE O PLATAMA I NAKNADAMA U ORGANIMA GRADA
SARAJEVA**

**Član 1.
(Izmjena člana 14.)**

U Odluci o platama i naknadama u organima Grada Sarajeva („Službene novine Kantona Sarajevo”, broj 38/17 i 7/21) član 14. mijenja se i glasi:

**“Član 14.
(Isplata naknada)**

- (1) Naknada iz stava (1) člana 13. ove Odluke isplaćuje se mjesečno za prethodni mjesec prema evidenciji prisustva, odnosno najave odsustva sa zakazane sjednice Gradskog vijeća Grada Sarajeva.
- (2) U mjesecu u kome nije zakazana sjednica Gradskog vijeća Grada Sarajeva, odnosno mjesecu u kome se održi više sjednica Gradskog vijeća Grada Sarajeva, a u skladu sa zaključkom Kolegija Gradskog vijeća Grada Sarajeva, gradskim vijećnicima se ne umanjuje naknada, odnosno ne uvećava naknada.
- (3) Naknada iz stava (2), stava (3) i stava (4) člana 13. ove Odluke isplaćuje se mjesečno za prethodni mjesec, a na osnovu evidencije o prisustvu koju vodi Stručna služba za poslove Gradskog vijeća Grada Sarajeva.”

**Član 2.
(Izmjena člana 15.)**

U Odluci o platama i naknadama u organima Grada Sarajeva („Službene novine Kantona Sarajevo”, broj 38/17 i 7/21) član 15. stav (3) mijenja se tako što se riječ „neopravdano“ mijenja riječju „nenajavljeno“.

**Član 3.
(Izmjena člana 21.)**

Član 21. Odluke (Platni razredi i koeficijenti za plate namještenika), mijenja se i glasi:
“Utvrdjuju se sljedeći platni razredi i koeficijenti za plate namještenika Grada Sarajeva:

Platni razred	Radno mjesto	Koeficijent
I	Šef unutrašnje organizacijske jedinice (VŠS)	3,20
II	Viši samostalni referent (VŠS)	3,10
III	Samostalni referent (VŠS)	3,00
IV	Šef unutrašnje organizacijske jedinice (SSS)	2,80
V	Viši referent (SSS) i VKV radnik	2,70
VI	Referent (SSS) i KV radnik III i IV stepena	2,60
VII	Pomoćni radnik i nekvalificirani radnik (NK radnik)	1,85

“

Član 4.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Jasmin Ademović

Broj:

Datum:

OBRAZLOŽENJE

PRAVNI OSNOV

Pravni osnov za donošenje Odluke o plaćama i naknadama u organima Grada Sarajeva sadržan je u preambuli Odluke gdje su navedene odredbe Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17) kojima se regulišu načela, visina i način utvrđivanja prava na plaću i ostale naknade koje nemaju karakter plate.

RAZLOZI DONOŠENJA ODLUKE

Odlukom o platama i naknadama u organima Grada Sarajeva („Službene novine Kantona Sarajevo“, br. 38/17 i 7/21) uređeni su:

1. pravo, visina i uslovi za ostvarivanje novčane naknade za vršenje funkcije gradskog vijećnika i članove radnih tijela Gradskog vijeća.
2. prava iz radnog odnosa, platni razredi i koeficijenti za obračun plate u skladu sa Zakonom o platama i naknadama u organima vlasti Federacije Bosne i Hercegovine, druga novčana primanja i prava na naknade za materijalne troškove, te druga prava i naknade za funkcionere koje bira i imenuje Gradsko vijeće: predsjedavajući Gradskog vijeća i zamjenici predsjedavajućeg Gradskog vijeća, gradonačelnik i zamjenici gradonačelnika Grada Sarajeva, gradski pravobranilac i zamjenik gradskog pravobranioaca.
3. plate i naknade državnih službenika i namještenika u organima Grada Sarajeva i Pravobranilaštvu Grada Sarajeva u skladu sa Zakonom o platama i naknadama u organima vlasti Federacije Bosne i Hercegovine.

Tokom primjene Odluke ukazala se potreba za preciziranjem člana 14. Odluke o platama i naknadama u organima Grada Sarajeva kojom je definisan postupak isplate naknada utvrđenih članom 13. Odluke, tako što je izvršeno preciziranje navedenog člana na način da je nedvosmisleno definisan postupak za isplatu naknada definisanih članom 13. Odluke. Također, izvršena je izmjena i stava (3) člana 15. u dijelu koji se odnosi na umanjenje naknade zbog izostanka vijećnika sa sjednice Gradskog vijeća Grada Sarajeva i to na način da je riječ „neopravdano“ zamijenjena riječju „nenajavljeno“. Uočena je i neusklađenost dijela Odluke sa odredbama Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17), i to dijela Odluke kojom su utvrđeni platni razredi i koeficijenti za namještenike. Na neusklađenost Odluke ukazala je i Budžetska inspekcija Kantona Sarajevo koja je naložila gradonačelnici Grada Sarajeva da Gradskom vijeću Grada Sarajeva predloži na usvajanje izmjenu Odluke o platama i naknadama u organima Grada Sarajeva na način da se izvrši njeno usklađivanje sa članom 21. Zakona o platama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17). Naime, koeficijenti namještenika, utvrđeni Odlukom o platama i naknadama u organima Grada Sarajeva, koji nisu bili usklađeni sa Zakonom o platama i naknadama u organima vlasti Federacije Bosne i Hercegovine su oni utvrđeni za radna mjesta šef unutrašnje organizacione jedinice (SSS), gdje je koeficijent 2,90 umjesto 2,80, i za radno mjesto – pomoćnik radnik i nekvalifikovani radnik (NK radnik) gdje je utvrđeni koeficijent bio 2,20 umjesto 1,85.

Predloženom izmjenom Odluke vrši se usklađivanje koeficijenata namještenika sa Zakonom o platama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10, 111/12 i 20/17) na način kako je to i naloženo u aktu Budžetske inspekcije.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.